

國朝耆獻類徵初編卷三百八十三目錄

孝友九

秦德藻

李元盛

李應麒

楊燦

李棟弟栻

劉獻煜

徐宏成

薛文薛化禮

周儼弟儒

徐有章

盧必陞

韓崇樸

瞿士賡子標奇

左仁

潘亮淵

王恩榮

周靖

華昌善

沈育

張榛黎興珩
彭大士

李景濂

李默齋

施廷璋

何兆祥

武文衡

陳宗彝

何兆祥

李景龍

李景龍

李景龍

李景龍

李景龍

李景龍

李景龍

李景龍

李景龍

國朝書牘題名錄卷三百八十三百八十三目聚

國朝耆獻類徵初編卷三百八十三

通奉大夫前署江西巡撫江西布政使司布政使湘陰李桓輯

孝友九

秦德藻

梁溪秦海翁先生以孝友篤行爲東南人倫模楷者五十餘年年八十有五無疾而逝子孫曾元環哭於帷堂內外者凡九十有六人以人事壽考福澤而論可不謂極盛矣乎長公宮諭對巖先生出嗣降服而創痛益深旣持服之三月將偕諸弟奉喪葬唐灣山之新阡而告期於余且屬爲銘余惟過時不能葬與不及時而渴葬皆公羊子之所譏也三月而襄事必誠必信勿之有悔宮諭深

於禮矣余於宮諭稱詞林後進而先生又素所仰止銘奚敢辭按
狀先生諱德藻字以新海翁其號也系出宋淮海太虛公之後太
虛子湛爲常州倅因家於常閱十傳而徙無錫之胡埭遂爲無錫
人入明累葉通顯嘉靖癸丑進士永昌知府諱禾爲先生高祖考
隆慶辛未進士巡撫湖廣右副都御史諱耀爲曾祖考太學生諱
煖爲祖考太學生諱仲錫則顯考也妣金壇于孺人褒甫公之女
子三人先生居次生而孝友天植暑年侍父疾卽能盡抑搔扶掖
之節父歿祖父母在堂拭涕問寢退至苦次則兄弟相向痛哭以
爲常及執祖父母喪泣血居廬與三年喪等曰吾以終父志也事
伯叔父如父叔父之齒少於先生二十歲側行卻立白首不渝伯

兄歿無子應宮諭爲後先生不欲獨有兄產遂以季弟之子並嗣族黨稱焉淮海公祠歲時薦享先生主之至日少長畢會隱然寓睦宗收族之義挺秀堂者十世相傳之居也一夕燬於火先生傾囷粟以鼎新之寄暢園爲中丞舊築海內所稱秦園者也歲久蕪廢且割爲僧舍先生獨力修復悉還舊觀其他累世遺構皆次第完葺以無墮先人之業此先生繼述之大節也素性和易不樂聞人過邑有胥吏以僉役累先生事覺坐杖先生召其人予之金以慰之宮諭之被註誤也族姑居他邑詭寄戶籍而有逋賦遂波及焉先生恐罪連姑之幼子竟不置辨以是宮諭沈淪林泉者十有餘年其遇人篤厚有恩如此甲寅以後宮諭奉 詔贊楚軍會廷

舉鴻博復入翰苑直講筵比歲歸里先生顧而色喜曰吾老矣願諸子之皆侍側也平生故交則錢十峯張菰川爲道義性命之友縱論經史觴詠不輟一時推爲耆英 車駕巡江南幸寄暢園者凡四先生率子姓伏謁道左 上親問年齒注視久之己卯夏復卽園中 御書二額以賜遭遇之隆士大夫所罕觀也夫世際休明 聖天子就問高年優禮耆碩所以維風教之意甚厚如先生內行淳備息深而視下或僅視爲一門聚順及爲善鄉井之常不知抑詩有言夙興夜寐灑掃庭內初無高世絕俗之事而武公之稱睿聖以此則先生之孝友篤行卓然爲人心風俗所繫不亦至明且著矣乎先生生萬厯丁巳二月四日由明經 封文林郎翰林

林院庶吉士卒以 皇清康熙辛巳五月七日葬以是年八月下
澣六日啟元配侯孺人兆合焉孺人爲明戶部主事澹泉公女室
中霽災曾手昇公翁柩以脫於火人稱爲孝婦子五人長卽宮諭
松齡順治乙未進士歷官日講官起居注左春坊諭德兼翰林院
修撰出繼 贈庶吉士以時君後次松期歲貢生蒙城縣訓導改
翰林院孔目松喬松如松虬俱例監生松如任廣東吳川縣知縣
松虬前卒女四人一適國學生侯麟然餘俱殤孫二十三人松齡
出者六松期出者五松喬出者三松如出者五松虬出者四孫女
十六人曾孫二十六人曾孫女二十五人元孫一人元孫女二人
婚娶皆名族銘曰

吁嗟先生秉質清淑道勝而腴貌恭而肅堂構師儉閨門敦睦喬
木十圍藏書百軸天光下臨旁燭巖谷煌煌 賜額寵踰車服先生
之孝倣古收族先生之澤式貽有穀存順沒甯幽寢是卜我勒銘
詩龍灣之麓

右墓誌銘張玉書撰

李元盛

里有卓犖不羈之才思與馳騁古今藝林以助鼓篋斯稱芳潤之選已不則坦直愿慤之習猶及見先進之遺風至陋者褻躬之道渺焉無聞談天稱地自誇富有夫富有者以忠信爲根柢以禮義爲膏腴以人倫物則爲灌溉爲長養以智術計巧諸穿鑿習見之私爲刈芟勿使滋蔓區區見聞顧多乎哉以予觀守方自好之士不長浮聲不隨人諾口辨無有彩飾不足跡其槩有以踽踽獨行之爲者而叩其中抱璞含醇舉人世可欣可好之事俱屏卻不一涉之躬不知者或謂之予謂若而人不惟不敢病之抑當誠心好之已往予宦京師與司空李公論同邑高朗謹篤者十數輩司空

公曾不以其親而掩其賢道同堂弟懋功之行以爲執守矩方儻廓其宇更爲良予謂執守良難卽拘於咫尺而未盡變化之道其於律身之嚴未之有失君子猶尙予之矧蹈矩履方允稱高蹈哉懋功之爲人予心識之時請沒歸方謀叩其所以比抵舍懋功已捐館幾周歲矣其嗣同深執行狀來乞予銘且重以其叔允方孝廉之言予固樂得而表其微者安敢以不文辭按狀君姓李氏諱元盛懋功其字也誕降後生母田孺人三月而逝其父敬雨公相繼不祿母吳孺人撫君如己出恩愛備至稍長就外傳其叔父誥贈光祿大夫霖雨公曰君爲大器令同司空公屏家事居城東之別墅專治舉子業遂補博士弟子聲籍甚及司空成進士廷

對擢一甲第二人授館職洊歷卿貳而君猶伏芸窗奮然曰是獨不可以身致乎日夜勤誦讀不少息學成雄文鴻藻試輒驚人以增廣生貢太學人謂掇青紫馳驅皇路宣洩偉抱可操券而得非期中年後罹危疾者數自是不復攻舉子業斯固時會之不偶非云人事之不齊也君輟舉業時寄興於酒賓朋往來間故舊日益敦厚貧者禮敬之富者岸然有所不屑其古之遺直與至因心之孝不藉感於蓼莪岬岬之章有非近今所可媿者痛其父早死事母益殫力恂恂翼翼凡可悅心之事率先意承之母歿毀骨踰禮哀感路衢歲時修祀事拜先祠畢嗚咽流涕不能已家人問故曰吾少孤仰觀檮桮俯視几筵皆觸悲緒椎牛而祭庸愈雞黍之逮

親存乎先是慈闈依戀君病中匕箸之供不愆於時一夕夢神語
曰汝勿攝人間事矣呼與俱往君謝曰吾死不足惜柰母老無子
奉養何抱母痛哭而醒疾尋瘳司空公聞之曰此一念也神其相
之乎天下有孺慕不衰而彼蒼不佑其身翼其行者當無是理聞
君之風可以興矣君生於前崇禎十六年癸未七月二十三日卒
於 皇清康熙四十年辛巳十二月十四日登壽五十有九娶朱
氏子二人同琛庠生魯今卜於四十有二年癸未十二月二日葬
於城南之新阡爰爲之銘銘曰

嗚呼詭隨者其風耶予惟悵結乎此生質方者其性耶猶幸親覲
乎君行人指其質而未文耶質其本也文其名人議其方而少圓

耶方其義也圓其情其斯孝念之專一耶實令德之用成我銘斯
兆耶取斯人之真率無蹈濁世之逢迎吾見骨脆祿薄者之委於
荒榛零露中耶亦既百累而千盈吾滋必後人之昌大耶自君之
導之雖沒世而有餘榮

右墓誌銘寶克勤撰

李應麒

李孝子應麒昆明西莊人郡庠生李元潔元配之子五歲失母卽能哀毀髫年遇亂父子相失爲敗兵擄去至迤東乘閒走回乞食於途夜或露宿悲號問路惟恐不得見父已而父子歡會則大哭時年已弱冠讀書未成遂學日者術自念伶仃勸父續娶繼母來恆不得於心應麒事之惟謹家貧不能具聘人憐其孝授以室然無他術養贍惟以推卜錢供其親一日出無所得炊米不繼責其遲則跪受箠楚不敢怨後被逐事之愈謹每奉酒果承歡日必赴舍躬爲母浣濯一朝晨起攜搖算入鄰村人見其疾走不知所爲蓋其父生旦也惟恐不足以稱觴適問卜者出雞米招之應麒大

喜急持爲父壽不失其候佃人田方春耕已雇牛矣聞母病入城三十餘里求藥輟耕具不顧繼母生三子皆友愛之不少閒如是者三十餘年父母感其誠終得其歡心父母相繼亡竭力兩喪哀毀特甚老而孺慕刻不忘親行年七十猶以日者術交於人人皆稱爲李孝子其繼母弟亦云

我軒曰孝之道大矣人子必不自以爲孝而當其變則若見其孝矣俗之偷也父母百端愛子而子且不孝矧不得於親而有子若李應麒者乎可以風已

右傳趙元祚撰